

Dr. Aid Smajić, vanredni profesor, oblast Psihologija,  
Fakultet islamskih nauka Univerziteta u Sarajevu

Dr. Dina Sijamhodžić-Nadarević, vanredni profesor, oblast Pedagogija,  
Fakultet islamskih nauka Univerziteta u Sarajevu

Dr. Amela Dautbegović, vanredni profesor, polje Psihologija (grana Školska psihologija i  
Psihologija obrazovanja), Filozofski fakultet Univerziteta u Sarajevu



#### VIJEĆU FAKULTETA ISLAMSKIH NAUKA UNIVERZITETA U SARAJEVU

Odlukom Vijeća Fakulteta islamskih nauka Univerziteta u Sarajevu broj 03-03-3. Redovna elek. sjed. -243/22 od 02.03.2022. godine imenovana je Komisija za pripremanje prijedloga za izbor u akademsko zvanje viši asistent za naučnu oblast Psihologija po osnovu konkursa (saradnik u zvanju višeg asistenta za naučnu oblast Psihologija, jedan izvršilac, puno radno vrijeme) koji je objavljen u dnevnom listu *Oslobođenje*, te na internet stranicama Univerziteta u Sarajevu i Fakulteta islamskih nauka Univerziteta u Sarajevu 03.02.2022. godine.

Komisiju čine:

Dr. Aid Smajić, vanredni profesor, oblast Psihologija, Fakultet islamskih nauka Univerziteta u Sarajevu, predsjednik,

Dr. Dina Sijamhodžić-Nadarević, vanredni profesor, oblast Pedagogija, Fakultet islamskih nauka Univerziteta u Sarajevu, član,

Dr. Amela Dautbegović, vanredni profesor, polje Psihologija (grana Školska psihologija i Psihologija obrazovanja), Filozofski fakultet Univerziteta u Sarajevu, član.

Nakon završenog Konkursa za izbor u saradničko zvanje višeg asistenta za oblast Psihologija Komisija konstatira da su se na raspisani konkurs prijavila dva (2) kandidata i to:

1. **Mirzeta Brkić**, MA ul. Paromlinska 1, 71 000 Sarajevo, prijava putem protokola Fakulteta br. 07-2-172/22 od 17.02.2022. U Izvještaju sekretara Fakulteta Emine Muderizović, dipl. prav., br. 07-2-179/22 od 21.02.2022. o blagovremenosti i uslađenosti prijava kandidata sa uvjetima konkursa prema redosljedu podnošenja prijava na protokol Fakulteta, navodi se da je kandidatkinja Mirzeta Brkić, MA blagovremeno podnijela prijavu, u skladu s objavljenim konkursom. U prijavi na konkurs koja je zavedena u protokolu Fakulteta pod br. 07-2-172/22, dana 17.02. 2022. kandidatkinja je navela da podnosi prijavu na konkurs za izbor saradnika u zvanju višeg asistenta za naučnu oblast Psihologija.

Uz prijavu na konkurs kandidatkinja je priložila sljedeće dokumente:

- popunjen obrazac prijave na konkurs;
- biografiju/životopis/CV (u printanoj formi i na CD-u);
- bibliografiju radova (u printanoj formi i na CD-u);

- diplomu o završenom prvom ciklusu studija za sticanje zvanja bakalaureat/bachelor psihologije na Filozofskom fakultetu Univerziteta u Sarajevu, br. 983/2011 od 22.10.2011. (ovjerena fotokopija);
- dodatak diplomi o završenom prvom ciklusu studija u oblasti Psihologije (ovjerena fotokopija);
- diplomu o završenom drugom ciklusu studija za sticanje zvanja magistar psihologije na Filozofskom fakultetu Univerziteta u Sarajevu, br. 500/2013 od 08.11.2014. (ovjerena fotokopija);
- dodatak diplomi o završenom drugom ciklusu studija u oblasti Psihologije (ovjerena fotokopija);
- izvod iz matične knjige rođenih (original);
- uvjerenje o državljanstvu Bosne i Hercegovine (original);
- potvrdu Fakulteta islamskih nauka Univerziteta u Sarajevu o provedenom periodu u zvanju asistenta za oblast Psihologija na Katedri za religijsku pedagogiju i religijsku psihologiju;
- potvrdu Redakcije izdanja Fakulteta islamskih nauka o koautorstvu naučnog rada „Odnos između stepena anksioznosti i religioznosti“ i njegovom prihvatanju za objavljivanje u narednom broju *Zbornika radova Fakulteta islamskih nauka*;
- potvrdu Izdavačkog centra IZ u BiH *el-Kalem* o koautorstvu knjige „Studija o kompetencijama kadrova IZ u BiH: od stečenih ka potrebnim kompetencijama“ s informacijom da je predmetni rad prošao potrebne naučne recenzije i da je u procesu pripreme za štampu.

i

**2. Mr. Elharun Selimović**, Čelebići bb, 88 404 Čelebići, prijava putem protokola Fakulteta br. 07-2-176/22 od 18.02.2022. U Izvještaju sekretara Fakulteta Emine Muderizović, dipl. prav., br. 07-2-179/22 od 21.02.2022. o blagovremenosti i usklađenosti prijava kandidata sa uvjetima konkursa prema redoslijedu podnošenja prijava na protokol Fakulteta, navodi se da je kandidat Mr. Elharun Selimović blagovremeno podnio prijavu, u skladu s objavljenim konkursom. U prijavi na konkurs koja je zavedena u protokolu Fakulteta pod br. 07-2-176/22, dana 18.02.2022. kandidat je naveo da podnosi prijavu na konkurs za izbor saradnika u zvanju višeg asistenta za naučnu oblast Psihologija..

Uz prijavu na konkurs kandidat je priložio sljedeće dokumente:

- detaljnu biografiju s pismom namjere;
- biografiju/životopis i bibliografiju (samo u printanoj formi);
- diplomu o stečenoj stručnoj spremi sedmog stupnja i stručnog zvanja diplomirani psiholog na Filozofskom fakultetu Sveučilišta u Zagrebu, br. 13943/89 od 07.07.1989. (ovjerena fotokopija);
- potvrdu o položenim ispitima na diplomskom studiju Odsjeka za psihologiju Sveučilišta u Zagrebu od 25.02.2002. (ovjerena fotokopija);
- diplomu o sticanju naučnog stepena magistra psiholoških nauka na Filozofskom fakultetu Univerziteta u Sarajevu, br. 398/2007 od 18.10.2008. (ovjerena fotokopija);
- uvjerenje o položenim ispitima na Postdiplomskom studiju iz psihologije, smjer Klinička psihologija na Filozofskom fakultetu Univerziteta u Sarajevu, br. 03-1216/2002 od 18.01.2008. (ovjerena fotokopija);
- odluku Nastavno-naučnog vijeća Pedagoške akademije Univerziteta „Džemal Bijedić“ u Mostaru o izboru u zvanje predavača za predmet „Psihologija“ na Pedagoškoj akademiji, br. 141-1-6/274-02 od 30.04.2002. (ovjerena fotokopija);

- izvod iz matične knjige rođenih (original);
- uvjerenje o državljanstvu Bosne i Hercegovine (original);
- certifikat o završenom seminaru „Detekcija ratnih traumatskih simptoma i PTSP-a kod djece i adolescenata kroz multi-sektorski pristup“ u organizaciji UNICEF-a i HOPE87, Jahorina, 10-11.06.2013. (original);
- certifikat o završenoj postdiplomskoj edukaciji u posttraumatskoj terapiji na Medicinskom fakultetu Univerziteta u Sarajevu u trajanju od jedne godine, maj 1999 (ovjerena fotokopija).

Nakon uvida u dostavljenu nam dokumentaciju, a u skladu sa Zakonom o visokom obrazovanju Kantona Sarajevo – Prečišćeni tekst (Sl. Novine Kantona Sarajevo br. 33/17), čl. 106, 107., 108. i 109. i Statutom Univerziteta u Sarajevu, čl. 205. i Pravilima Fakulteta islamskih nauka Univerziteta u Sarajevo, Vijeću podnosimo sljedeći

## IZVJEŠTAJ

### 1. Kandidatkinja Mirzeta Brkić, MA

#### BIOGRAFSKI PODACI O KANDIDATKINJI

Ime i prezime: Mirzeta Brkić

Datum rođenja: 10. avgust 1989.

Mjesto rođenja: Velika Kladuša, Bosna i Hercegovina

E-mail adresa: [mirzeta.brkic@fin.unsa.ba](mailto:mirzeta.brkic@fin.unsa.ba) (službena); [mirzeta89@hotmail.com](mailto:mirzeta89@hotmail.com) (privatna)

Kontakt telefon: +387 33 251 052 (službeni)

Kućna adresa: Paromlinska 1, 71 000 Sarajevo

#### OBRAZOVANJE

Mirzeta Brkić, MA je osnovnu školu završila u Vrnograču (Velika Kladuša) 2004., a Opću gimnaziju u istom gradu 2008. godine. Iste godine je upisala prvi ciklus studija na Filozofskom fakultetu Univerziteta u Sarajevu, Odsjek za psihologiju, koji je završila 2011. godine s prosječnom ocjena 9.

Drugi ciklus studija na Odsjeku za psihologiju Univerziteta u Sarajevu kandidat je završila 11.10.2013. uspješnom odbranom master rada od naslovom *Psihometrijska validacija upitnika za mjerenje velikih pet dimenzija ličnosti kod djece (IPIP 50 Junior S)* i s prosječnom ocjenom 9,45. Pored navedenog, kandidatkinja je trenutno doktorand na trećem ciklusu studija na Odsjeku za psihologiju Filozofskog fakulteta Univerziteta u Sarajevu.

#### RADNI ANGAŽMAN

U periodu 2014-2015. godina Mirzeta Brkić, MA je radila kao profesorica psihologije u Međunarodnoj srednjoj školi u Zenici. Od 2016. do 2018. radi kao spoljna saradnica na psihološkoj grupi predmeta na Filozofskom fakultetu i Islamskom pedagoškom fakultetu Univerziteta u Zenici.

Od 2018. godine do danas zaposlena je u saradničkom zvanju asistenta za oblast Psihologija na Fakultetu islamskih nauka Univerziteta u Sarajevu. Na Katedri za religijsku pedagogiju i religijsku psihologiju održavala je vježbe na predmetima Uvod u psihologiju, Opća psihologija sa psihologijom ličnosti, Razvojna psihologija, Socijalna psihologija, Pedagoška psihologija, Psihologija religioznosti, Religija i pojedinac u vremenu postmoderne, Islamsko dušebrižništvo, Islamska misija (Da'va) i Uvod u metodologiju istraživanja.

## STRUČNO USAVRŠAVANJE

Nakon izbora u zvanje asistenta Mirzeta Brkić, MA poduzela je sljedeće edukacije:

- 06.12.2021. – *EBSCO webinar za nastavno i stručno osoblje*. Organizator: Rektorat UNSA, Zoom platforma.
- 23.09.2021. – *Dobrobit pojedinca u obrazovanju i znanosti/nauci: zdravlje, sigurnost, sreća i prosperitet u visokom obrazovanju*. Organizator: Univerzitet u Sarajevu u saradnji sa javnim univerzitetima u Bosni i Hercegovini (Univerzitet u Banja Luci, Univerzitet u Bihaću, Univerzitet „Džemal Bijedić“ u Mostaru, Univerzitet u Istočnom Sarajevu, Sveučilište u Mostaru, Univerzitet u Tuzli i Univerzitet u Zenici), Zoom platforma.
- Januar-april 2021. – *Praksoteka 2021*. (serija razgovora o učenju i podučavanju na UNSA). Organizator: Rektorat UNSA, Zoom platforma.
- 24–25.02.2020. – *Workshop: Using Reflective Structured Dialogue to teach civil discourse*. Organizers and Partners: Jamal Barzinji Project, Center for Islam in the Contemporary World, Shenandoah University, Bridgewater College, University of Sarajevo, Faculty of Islamic Studies of University of Sarajevo and Essential Partners. Radionica održana na FIN-u.
- 16-22-09.2020. – *One Week Online Orientation Program on Islamic Counselling and Psychotherapy*. Organizator: Institute of Objective Studies, Aligarh, India, Zoom platforma.
- 15.02.2019. – Stručna edukacija: *Unapređenje kvalitete seminarских radova na Fakultetu islamskih nauka Univerziteta u Sarajevu*. Organizator: Fakultet islamskih nauka Univerziteta u Sarajevu.
- 14–15.01.2019. – Stručna edukacija o temama: *Kako govoriti o religiji mladima* (prof. dr. Adnan Silajdžić), *Izazovi odgojnog djelovanja u nastavi Islamske vjeronauke* (prof. dr. Izet Pehlić) i *Izazovi vjeroučiteljskog poziva – iskustva iz prakse* (Almira Gološ, prof). Organizator: Ministarstvo za obrazovanje, nauku i mlade KS-a i Fakultet islamskih nauka Univerziteta u Sarajevu. Edukacija održana na FIN-u.

## UČEŠĆE U PROJEKTIMA, NA SEMINARIMA I NAUČNIM SKUPOVIMA

Nakon izbora u zvanje asistenta Mirzeta Brkić, MA učestvovala je u sljedećim projektima, na seminarima i naučnim skupovima:

- 2021-2022. – *Psihofizičko zdravlje djece/učenika i prosvjetnih radnika u doba i nakon pandemije izazvane koronavirusom*, Ministarstvo za odgoj i obrazovanje Kantona Sarajevo.
- 2020-u toku. – *Psihosocijalne odrednice depresivnosti, anksioznosti i stresa kod studenata*, Centar za psihološka istraživanja, edukaciju i savjetovanje pri Odsjeku za psihologiju Filozofskog fakulteta Univerziteta u Sarajevu.

- 2019. – još traje... – RESILIENCE PROJECT – *REligious Studies Infrastructure: tooLs, Experts, conNections and CEnters*/Infrastruktura za religijske studije: alati, stručnjaci, veze i centri – Projekat u okviru EU programa za istraživanje i razvoj H2020 – FONDAZIONE PER LE SCIENZE RELIGIOSE GIOVANNI XXIII (FSCIRE).
- 2019-2020. – Međunarodni naučno-istraživački projekat *Mapiranje terena – 2019/2020. o neakadskim vrijednostima u obrazovanju u BiH*, Međunarodni univerzitet Virdžinija (USA) i Centar za napredne studije (BiH).
- 2018-2020. – *Kompetencije kadrova Islamske zajednice u Bosni i Hercegovini: imami, muderrisi, odgajatelji i vjeroučitelji*, Uprava za obrazovanje i nauku Rijasetu IZ-e u BiH i Fakultet islamskih nauka u Sarajevu.
- 2018-2019. – Međunarodni naučno-istraživački projekat *Unapređenje obrazovanja u modernim društvima*, Univerzitet Indiana (USA) i Centar za napredne studije (BiH).

#### PRIZNANJA I POHVALE UNIVERZITETA I FAKULTETA

- Treći najbolje rangirani asistent prema rezultatima *Studentskih evaluacija nastavnog osoblja FIN-a* za akademske godine: 2019/2020. i 2020/2021.

#### BIBLIOGRAFIJA RADOVA KANDIDATA OBJAVLJENIH NAKON POSLJEDNJEG IZBORA U ZVANJE

Nakon izbora u zvanje asistenta Mirzeta Brkić, MA je objavila dva rada:

- Sijamhodžić-Nadarević, D., Smajić A., Begović N., Hasanović Z., **Brkić, M.** (2021). *Studija o kompetencijama kadrova Islamske zajednice u Bosni i Hercegovini: od stečenih ka potrebnim kompetencijama*. Sarajevo: El-Kalem. (u štampi)
- **Brkić, M.**, Smajić, A. (2021). Odnos između stepena anksioznosti i religioznosti kod studenata Fakulteta islamskih nauka. *Zbornik radova Fakulteta islamskih nauka*. (prihvaćeno za objavljivanje)

## 2. Kandidat Mr. Elharun Selimović

#### BIOGRAFSKI PODACI O KANDIDATU

Ime i prezime: Elharun Selimović

Datum rođenja: 02. septembar 1961.

Mjesto rođenja: Žepče, Bosna i Hercegovina

E-mail adresa: [selimovicelharun@gmail.com](mailto:selimovicelharun@gmail.com) (privatna)

Kontakt telefon: +387 61 154 029 (privatni)

Kućna adresa: Čelebići bb, 88404 Čelebići

#### OBRAZOVANJE

Mr. Elharun Selimović je dodiplomski studij iz Psihologije završio 1989. godine na Sveučilištu u Zagrebu s prosječkom ocjena 3,67 i time stekao zvanje kliničkog psihologa.

Postdiplomski studij na Odsjeku za psihologiju Univerziteta u Sarajevu u oblasti kliničke psihologije je završio 17.12.2007. odbranom magistarskog rada na temu *Priroda i tretman psihičkih poremećaja koji nastaju kao posljedica seksualnog zlostavljanja u ratnim i mirnodobskim uslovima* i s prosječnom ocjenom 9,62. Pored navedenog, kandidat je 2000. obavio specijalizaciju iz traumatske psihologije na Odsjeku za psihologiju Univerziteta u Sarajevu.

#### RADNI ANGAŽMAN

Kandidat Mr. Elharun Selimović ima dugogodišnje (32 godine) i bogato radno iskustvo. Obavljao je poslove kliničkog psihologa, savjetodavnog radnika, sudskog vještaka iz oblasti psihomedicinske struke i predavača u različitim vremenskim periodima i ustanovama, uključujući Pedagoški fakultet Univerziteta „Džemal Bijedić“, Medicinski centar „Dr. Safet Mujić“, Centar za mentalno zdravlje u Konjicu gdje trenutno radi kao klinički psiholog.

Pored toga, aktivan je kao predavač u okviru sesija i radionica za širu javnost.

#### STRUČNO USAVRŠAVANJE

U periodu nakon završetka svog dodiplomskog i postdiplomskog studija odnosno formalnog obrazovanja u psihološkim naukama kandidat je 2000. godine na Odsjeku za psihologiju Univerziteta u Sarajevu specijalizirao na polju traumatske psihologije, a 1996. i 1999. na Medicinskom fakultetu Univerziteta u Sarajevu uspješno završio jednogodišnji postdiplomski modul iz oblasti posttraumatske psihoterapije. U toku 2013. godine pohađao je dvodnevni seminar na temu „Detekcija ratnih traumatskih simptoma i PTSP-a kod djece i adolescenata kroz multi-sektorski pristup“ u organizaciji UNICEF-a i HOPE87.

#### UČEŠĆE U PROJEKTIMA, NA SEMINARIMA I NAUČNIM SKUPOVIMA

U dostavljenom nam pismu namjere kandidat Mr. Elharun Selimović ističe da je tokom svog usavršavanja i rada učestvovao u različitim je u sljedećim projektima, na seminarima i naučnim skupovima, posebno u oblasti traumatske psihologije i borbe protiv ovisnosti, uključujući:

- Učešće u pokretanju i osnivanju prijeratnog Regionalnog udruženja za zaštitu i unapređenje duševnog zdravlja i suzbijanje ovisnosti na širem regionu Hercegovine;
- Učešće u humanitarnim aktivnostima na polju psihosocijalnog pomaganja i zbrinjavanja ranjenih pripadnika Armije RBiH tokom agresije na RBiH.
- Koordiniranje i učešće u radu Općinske radne grupe za borbu protiv ovisnosti Opštine Konjic.
- Alpe-Dunav-Jadran konferencija o alkoholizmu, Opatija, 2004. i Šibenik, 2016.
- Naučni skup Ovisnost o igrama na sreću između bolesti i osobne društvene odgovornosti, Međugorje, 2012.

#### BIBLIOGRAFIJA RADOVA KANDIDATA OBJAVLJENIH NAKON POSLJEDNJEG IZBORA U ZVANJE

Iz svoje bibliografije Mr. Elharun Selimović izdvaja sljedeća djela:

- *Nikotin, alkoholizam i droga*. Mostar: Savez liječenih alkoholičara, 1991;

- *Psihologija islama*. Istanbul: Timaš Yayinlari, 1995;
- *Opća psihologija*. Mostar: Univerzitet „Džemal Bijedić“, 1997;
- *Psihologija namaza*. Mostar: IC Štamparija, 1999;
- *Osnovi razvojne i pedagoške psihologije*. Mostar: Univerzitet „Džemal Bijedić“, 2001;
- *Opća psihologija: udžbenik za srednje škole*. Fojnica, 2001;
- *Ogledi o duši*. Konjic, 2003;
- *Čudesna (ne)moć napetosti*. Mostar, 2003;
- *Tajne psihoterapijske vještine*. Konjic: Fondacija Lijepa riječ, 2013;
- *U potrazi za istinom o sebi*. Konjic: Fondacija Lijepa riječ, 2017;
- *Živi život svoj*. Zenica: Štamparija petica, 2021.

## ZAKLJUČAK I MIŠLJENJE KOMISIJE

Nakon što je pregledala dostavljenu dokumentaciju, a u skladu sa Zakonom o visokom obrazovanju Kantona Sarajevo (Sl. novine Kantona Sarajevo br. 33/17), člana 201 Statuta Univerziteta u Sarajevu, te Odlukom Fakulteta br. 03-03-10. Elek. sjed.-1275/21 od 08.12.2021., Komisija konstatira da jedino kandidatkinja Mirzeta Brkić, MA ispunjava u potpunosti sve minimalne formalne uvjete Konkursa i predlaže njen izbor u zvanje višeg asistenta za oblast Psihologija na Fakultetu islamskih nauka Univerziteta u Sarajevu.

Svoje mišljenje i prijedlog Komisija je donijela na osnovu uvida u dostavljenu dokumentaciju prema kojoj jedino kandidatkinja Mirzeta Brkić, MA ispunjava sve zakonom propisane formalne i proceduralne uvjete za izbor u zvanje višeg asistenta za oblast Psihologija, uključujući i proveden najmanje jedan izborni period u zvanju asistenta. Oba kandidata su uspješno završila prvi i drugi ciklus studija u oblasti Psihologije sa prosječnom ocjenom višom od 8 odnosno 3.5. Međutim, za razliku od kandidata Mr. Elharuna Selimovića, kandidatkinja Mirzeta Brkić, MA je dostavila i potvrdu o provedenom izbornom periodu u zvanju asistenta za oblast Psihologija na Fakultetu islamskih nauka Univerziteta u Sarajevu u periodu od 2018. do 2022. godine i time ispunila sve minimalne formalne uvjete za izbor u zvanje višeg asistenta.

Usto, na osnovu uvida u dosije asistentice Mirzete Brkić, MA i iskustva saradnje članova Komisije s njom u realizaciji nastavnog procesa na Fakultetu islamskih nauka, Komisija također ističe da Mirzeta Brkić odgovorno izvršava svoje obaveze u nastavnom procesu (održavanje vježbi i seminara, organizacija prakse studenata, učešće u održavanju ispita) i vannastavnim aktivnostima (učešće u radu komisija i stručnih tijela Fakulteta, organizacija stručnih edukacija, konferencija i seminara, učešće u projektima Fakulteta i Univerziteta) te predano i posvećeno radi sa studentima. To, između ostalog, potvrđuju i rezultati studentske evaluacije njenog rada u nastavi. Isto tako, kandidatkinja Mirzeta Brkić, MA je u dosadašnjem radu u zvanju asistenta pokazala odlične rezultate, visoku motivaciju te zapažene komunikacijske i organizacijske sposobnosti. Dostavljena dokumentacija o njenom učešće u psihološkim edukacijama, naučnim skupovima i projektima, na kraju, potvrđuje da je asistentica Mirzeta Brkić, MA izborni period asistenta kvalitetno iskoristila za ulaganje u svoj lični i profesionalni razvoj.

Kazano sve skupa nedvosmisleno upućuje da kandidatkinja ispunjava sve minimalne uvjete Konkursa, da posjeduje sve potrebne nastavne, organizacijske i komunikacijske kompetencije i da će i u budućnosti biti u prilici dati značajan doprinos u realizaciji nastave u okviru psihološke grupe predmeta na Fakultetu islamskih nauka Univerziteta u Sarajevu. Stoga, u konačnom zaključku, predstavlja nam iskreno zadovoljstvo Vijeću Fakulteta islamskih nauka Univerziteta u Sarajevu predložiti da ovaj Izvještaj o izboru asistentice Mirzete Brkić, MA u nastavno-naučno zvanje višeg asistenta za oblast Psihologija usvoji i da se on prosljedi u daljnju proceduru.

Sarajevo, 27.04.2022.


Komisija:



Prof. dr. Aid Smajić, predsjednik



Prof. dr. Dina Sijamhodžić-Nadarević, član



Prof. dr. Amela Dautbegović, član

